

# جريدة حكاية

صلى

| نومرو | صفر | سنه  | كانون اول | سنه  | صحيفه |
|-------|-----|------|-----------|------|-------|
| ۱۸۲   | ۲۱  | ۱۳۰۰ | ۲۱        | ۱۲۹۸ | ۱۴۴۹  |

\* اشبو غزته بهر هفته صالى كونلرى چيقار . سنه لى مجيدى اچمه التمش غرو شدر بهر نسخه سى التمش \*  
 \* پاره مجيدى به اوله رق هر يرده صاتيلور . درج اولنه جق اعلانا تگ بهر سطرندن ايكي غروش النور \*  
 \* سنه لکنه مشترى اولق استيانلر عدليه نظارت جليله سى اوراق مدير لکنه مراجعت ايتلير \*

جهت عسکریه يه اعطاسى حریه نظارت جلیله .  
 سندن باتد کره بیان اولنمسیله و اولباده جریان ایدن مخابره  
 نتیجه سنده محاکم کتبه سى ایشلرک کثرته نسبتله آز  
 اولدیغندن عساکر شاهانه قوماندانلری جانبندن  
 کوندر یله جک کتبه معرفتیه استخراج اولنه جق  
 صورتلر محکمه جه یالکز تمهیر و تصدیق ایدیلوب  
 صورت خرجی اخذندن صرف نظر اولنمسی تنسیب  
 قلنش اولمسیله بعدازین قوماندانلر جانبندن کوندر .  
 یله جک کتبه معرفتیه چیقاریلان صورتلرک تمهیر  
 ایله تصدیق قلنوب بونلردن خرج النماسی ضمنده  
 تعمیماً ولایات عدلیه مفتشلکرینه تبلیغات لازمه ایفاسی  
 امور جزائییه مدیریتندن افاده اولنه رق اولوجهله  
 ایجاب حال اجرا واشبو تحریراتک نسخ مطبوعه  
 کافیه سى لفاً اسرا قلنغله کیفیتک علی الاصول ولایت  
 وملحقات محاکمه تبلیغی

( فی ۱۵ محرم سنه ۱۳۰۰ وفی ۱۵ تشرین )  
 ( ثانی سنه ۹۸ تاریخیه ولایات عدلیه مفتشلکرینه )  
 ( یازیلان تحریرات عمومیه نك صورتلیر )

اهالی ابله افراد عساکر شاهانه بینلر نده وقوعه کلان دعاوی  
 محاکمى محاکم عدلیه سنده رؤیت اولنه رق متهمک  
 عساکر شاهانه افرادندن اولدیغی تبین ایلدیکی  
 حالده یالکز متهمک مدت حبسی جانب ولایتدن اشعار  
 اولنمقده و وقوعاتک نه یولده جریان ایدوب محاکمه  
 نه صورتله معامله ایفا ایلدیکنک دیوان حرب  
 عسکریجه بیلنک ایچون ولایتدن اوراق استنطاقیه  
 وحکمیه استنطاقیه کجه بلاخر ح ویر یله مز جوابی  
 التقدیه اولدیغی و بومثللو اوراق استحصالی ایچون  
 خرج ورسم ویرلمش اولسه بویله بر مصرفک جهت  
 عسکریه دن قبول ایدیله میه جکی بیانیه بعض طرفدن  
 استفسار معامله اولنمسی اوزرینه قانوناً ویرلمسی جائز اولان  
 اوراق استنطاقیه وحکمیه وقرار نامه صورتلیرنک

( یوز سنکسان برنجی نومرولی جریده محاکمه )  
( مندرج اعلامک بقیه سی )

بالتصديق املاك محجوزه مزبوره نك فروختی ايله بدلندن مبلغ محكوم بلك اخذ واستيفاسی خصوصنه قرار ویرلمش وقرار مزبورك استیناف و تمیزی مرورایدرك برحکم قطعی حالته کیرمش اولسی حسینله مشار الیه اراستیدی بلك محکومیتنی حاوی اولان اعلام حکمی تماماً اجرا و بوصورتله مطلوبات خزینه حکماً تأمین واستیفای قلمش عد اولدیغنه وعلی الخصوص مدعی مشار الیهك مستند ادعای اولان فی ۵ نیسان سنه ۹۵ تاریخلی قرار نامه تاریخندن ایکی ماه صکره یعنی فی ۲ حزیران سنه ۹۵ تاریخله خزینه جلیله مالیه به تقدیم ایلدیکی استدعا سنده ایکی قطعه سرکی موجب خزینه مشار الیهاده اولان معلوم المقدار مطلوب بنگ دیونات محکومه سنه عیناً تقاضی و محسوب ایدلسنی طلب ایدوب متباقی ذمتی دخی همان اولصورتله تأدییه و ایفایه مسارعت ایده جکنی بیان ایلسیله دخی مدعی مشار الیه خزینه جلیله به اولان دیننی لیرا اولهرق ایفایه موافقت ایلش بولندیغنه بناء قرار نامه آنف الذکر حکمی عمومی اولسه دخی اسباب مشروحه مدعینک مارالذکر قرار نامه احکامندن استفاده ایتک صلاحیتنی کندوسندن کاملاً سلب ایتش اولسیله بوصالده وکیل موعی الیه قسطای افندیگن موکلنک دیونات واقعه سنک بر موجب قرار نامه یعنی بر لیرا در تیوزلک قائمه حسابیله تسویه و ایفا ایلسی لازمکله جکی حقیقه کی استدعاسنک ردینه متفقاً قرار ویرلیدیکی محرردر

مستأنف وکیلنک لایحه سنده درجه اخیرده صدور ایدن اعلام حکمی هرکس عندنده معتبر ومرعی الاجرا برجت ایسه ده اراده سنیه انی تعدیل و یا فسخ و نقض ایده کلدیکندن فی ۵ حزیران سنه ۹۵

تاریخی بااراده سنیه نشر اولنان قرار نامه فی ۱۰ تشرین ثانی سنه ۹۳ تاریخنده ایکنجی مجلس تجارتن ویریلان اعلامک حکمی تعدیل ایتدیکی وجز بر مطلوبی تحت تأمین المقدن عبارت اولوب موکلی ایسه خزینه نك مطلوبی انکار ایتدیکی و مطلوبات خزینه نك صورت تسویه سندن نشأت ایدن منازعه حل اولنجه به دین املاک تحت مجزده قلمسنده برأس کور مدیکندن بک اوغلی حقوق محکمه سی قرارنک استیناف و یا تمیز ایدلسنه حاجت کور یله مدیکی وجز اعلامی بر امتیازی حاوی اعلام اولدیغندن محکومیتنی حاوی اعلامک حکمی بر حکم قطعی حالته قویه میوب بناء علیه اعلام مذکورک حکمی یا لکر خزینه نك مطلوبی تأمین ایدرك استیفا ایتدیکی و امتیازی اولدیغی فرض اولسه یله بونک تاریخلی اوچ وقرار نامه نك تاریخی بش نیسان طقسان بش اولدیغندن ماقبلته شمولی اولوق اوزره با اراده سنیه نشر و اعلان اولنان قرار بک اوغلی محکمه سی اعلامک حکمی جور تدیکی و موکلنک فی ۲ حزیران سنه ۹۵ تاریخله استدعای بختنه کلنجه عرضحال مذکورده ( اولصورتله ) و ( لیرا اولهرق ) تعبیراتنک وجودی معدوم اولهرق اعلامه سهواً ضم و علاوه سیله یا کلش معنا ویرلیدیکی فی ۲۰ رجب سنه ۱۲۹۶ تاریخله اولوقت مالیه ناظری بولنان عطوفتلو زهدی افندی حضرتلری طرفندن تحصیل و تحریر اداره سی و مالیه قومیسونی ایضاحاتی اوزرینه جواباً کوندر یلان تذکره دن مستبان اولدیغی و موکلی عرضحالنده و اوراقی سآرده دیننی لیرا اولهرق تسویه ایده جکنی یازماش اولدیغی جهتله اعلام مذکور حکمی موافق نظام اولدیغندن فسخیله دین مذکورک فی ۵ نیسان سنه

۹۵ تاریخلی قرار نامه موجبجه تسویه سنک تحت قراره النمی طلب اولمشدر  
مستأنف علیه وکیلرندن رشید افندیگن لایحه جوابیه سی خزینه نك درجه اخیرده استحصالی ایلدیکی اعلامده خصمنک ذمتی عیناً لیرا اولسیله دیگر صورتله تسویه سنه قالمش سی قبول اولنه میوب چونکه اول و آخر نشر اولنان قرار نامه لک هر بر لرنده عیناً النهجق مطلوب باقی استیفا اولمش اولدیغندن قرار مذکورک خصوص مذکور شمولی اوله میوب اولسه یله مطلوب مذکور تاریخ اعلانن مقدم اولدیغی کی عیناً تأدییه سنه موافقت اولدیغی دخی امضا تختنده اولدقدن بشقه تحت تأمینده النمش ایدونکندن خصمندن تحصیلنه دائر صدور ایدن اعلام حکمنه وقوعبولان اعتراض شایان قبول اوله میه جغه و خصمنک مطلوب خزینه بی اقرار ایتسی ضروری اولوب املاکی تحت مجزه النهرق جز واقع دخی محکمه جه بالتصديق مدت استیناف و تمیز مرور ایلسیله حکم مذکور قطعی حالته کیرمش و مطلوبات خزینه حکماً تأمین واستیفای قلمش عد اولدیغنه وقرار نامه نك بوکلاشمولی اولدیغی حالده جز اعلامی حکمنک قالمش دینسی حکمسن ایدونکنه واستدعا حقیقه کی اعتراض عرضحالک مطالعه سیله آکلاشیله  
جغی کی مبلغ مطلوب بک لیرا اولهرق تسویه سی حکم قطعی افتضاسندن بولدیغی حالده یازیلان تذکره لرده دیننک لیرا اولهرق تسویه ایده جکنی یازماش اولدیغنک دلیل اتخاذا ایدلسی شایان استغراب کورندیکنه مبنی اعتراضات مذکور نك ردیله اعلامک تصدیقنی حاویدر  
طرفین استیجاب اولندقدنه لایحه لر ی مندرجاتنی تکرار ايله برابر مستأنف وکیل خصمنک ایکنجی محکمه تجارتن موکلنک قرق یدی بک لیرا محکومیتنی حاوی

اولهرق استحصالی ایتش اولدیغی اعلام تبلیغ اولمشنیزین موکلنک برطاق املاک و عقاری تحت مجزه النهرق تصدیق ضمتده بک اوغلی حقوق محکمه سنه بلراجعه جز مذکور تصدیق اولهرق اعطا قلنان اعلام اوزرینه املاک مذکورده دن بعضیلری بلزایده صاتیله جغی صروده آنف الذکر فی ۵ نیسان سنه ۹۵ تاریخلی اراده سنیه نك صدور یله موکلی دیننی قائمه اولهرق مالیه قومیسونیته ایفا ایتش ایسه مذکور قرار نامه نك موکلنک شمولی اولدیغندن بختله قبول ایدلماسی اوزرینه پروتستو کشیده سنه مجبور اولدیغنی واشبو پروتستو به ویریلان جوابده خزینه جلیله ادعای اولنده اصرار ایدرك مؤخرآ باب عالی به اولنان مراجعت اوزرینه ایش حقوق مشاورینه لدی الحواله تشکیل قلنان قومیسون مخصوصده مبلغ مذکورک اراده سنیه موجبجه قائمه اولهرق ایفا قلمسنه قرار ویرلکدن صکره خزینه مشار الیهانه قرار مزبوره قانع اولیهرق اعلامی بتکرار موقع اجرا به وضع ایتش ایسه ده اجراهه اچهنک جنسی حقیقه وقوعبولان اعتراضک حلی ضمیمه ایش اعلامی اعطا ایدن بک اوغلی حقوق محکمه سنه حواله واشبو اچهنه مسئله سنک حلنه قدر املاک مذکورده فروخت ایدلک اوزره خصوص مذکور بتکرار ایکنجی محکمه تجارته اعاده ایدیلرک بوکره محکمه مذکورده دن اعلام مستأنف بک تنظیم و اعطا قلمش اولدیغنی و محکمه تجارت ایکنجی مجلسنک اعلام اولی الیوم موکلنک تبلیغ ایلدیکی کی اجرا دخی اولدیغنی و خصمنک استناد ایتدیکی فی ۲ حزیران سنه ۹۵ تاریخلی عرضحال بختنه کلنجه واشبو عرضحالده اولصورتله لیرا اولهرق تعبیراتی اولیوب اگر موکلی بورجی لیرا اولهرق تسویه ایده جکنی یازمش اولسه بوتذکره نك ارسالنه محل

قلمیه جغنی میدانده اولدیغنی افاده و موکنه خطاباً  
مالیه نظارتی طرفندن یازلمش اولان برتذکره بی ارئه  
ایلدی

مستأنف علیه وکیلرندن عمر افندی بر اعلام محکوم  
علیهنه تبلیغ اولندجه احکامی اجرا اولنه میه جغندن  
اولوجهله اعلام مذکورک اجرا دارهسنده تبلیغله  
حکمتک اجرا قلندیغنی و معاملاتک کافه سی اجرا  
داره سی معرفیه جریان ایدرک اعلامک دخی الیوم  
اوراده محفوظ ایدوکنی بیان ورشید افندی خصمی  
اشبو تبلیغ مسئله سنی درجه اولی محکمه سنده درمیان  
ایتماش اولغله استینافنده موضوع بحث ایدلمسی  
جائز اوله میه جغنی و بر اعلامک حاوی اولدیغنی مبلغ  
قبول اولنه رق موقع اجرایه وضع اولندقدنصرکه  
ارتق او اعلامه تبلیغ اولنمش نظریه باقیله جغنی اتیان  
انلری اوزرینه اوراق مذکوره نک لاجل المطامه  
محکمه استیناف مدعی عمومیلکنه تبلیغله محاکمه سنده  
حاضر بولندیرلمسی طرفینک استناد ایتدکاری کافه  
اوراقک دخی کتورلمسی ضمنده ایش وقت آخره  
تعلیق قلمشیدی

مؤخرأ طرفین وکیلر بله مدعی عمومی معاونی توفیق  
بک کله رق مستأنف وکیل افاده سابقه سنی تکرار ایله  
برابر خصوص منازع فهک اساسی موکنک یتمش  
طقوز تاریخنده مالیه نظارت جلیله سیله عقد ایلدیکی  
قونطوراتو موجبجه اقراض ایتدیکی اچیه میه مقابل  
تأمینات اوله رق موکنه ویرلمش اولان اسهامک  
الاجغنی تسویه اولندقدن صکره قو پونلرندن ذمتنده  
قلان اون یدی بیک لیرادن متولد اوله رق بونک اون  
اوج اون درت سنه ظرفنده تراکم ایدن فائضنک ضمیله  
موکنک قرق یدی بیک بو قدر لیرابه ایکنجی محکمه  
تجارنده محکوم طوندیغنی ومؤخرأ اعلام مذکور  
هرنقدر موقع اجرایه وضع اولنمش ایسه ده حکمی

اجرا اولتمسزین مذکور فی ۵ نisan سنه ۹۵  
تاریخی اراده سنیه نک صدوریه موکلی بورجی  
درت یوزلک قائمه بر لیرا اعتبار یله تسویه به قیام ایدرک  
اولتدارقائمه مالیه قومیسسیونته دیپوزیتو ایدلمش  
اولدیغنی حالده قبول ایدلمیه رک اچیه نک تعیین جنس  
ایچون ایشک بتکرار محکمه مذکوره به حواله سیله  
مارالذکر اراده سنیه دن موکنک استفاده ایده مامسته  
قرار ویرلمش اولدیغنی بیان و مستأنف علیه وکیلری  
بدايته مبلغ مدعا نک عیناً لیرا اولدیغنی ادعا ایتدکاری  
کبی مبلغ مذکوره محسوباً ویرلمش اولان تسلیاتک  
دخی لیرا ایدوکنی و خصمنک فی ۵ نisan سنه ۹۵  
تاریخی قرار نامه دن استفاده به صلاحیتی اولیه رق  
محکمه دخی خصمنک شو ادعاسنی یعنی قرار آتف  
الذکر دن استفاده به حتی اولوب اولدیغنه دار  
مدافعه به کندولرینی اجبار ایتوب شمعی ایسه یت  
بو بابده کی ادعا نک جوابدن مستغنی بولندیغنی و دیپو  
زیتو اولندی دنیلان مبلغک موقع رسمیده اولدیغنی  
و خصمی مبلغ محکوم بهی متضمن اولان اعلامک اجرا  
اولندیغنی درمیان ایتکنده ایسه ده اعلام مذکور موقع  
اجرا ده بولندیغنی صره ده خصمنک جهت ساره دن  
طولانی مالیه نظارتنده لیرا اوله رق الاجغنی بولنان  
مبلغک کندی استدعا و رضامی اوزرینه ایراد  
و مصرف وجهله محسوبی اجرا ایدلمش و بوندن  
بشقه خصمنک املاکی حجز ایدلمیه رک حجز مذکور  
بک اوغلی بدایت محکمه سنندن تصدیق ایدلندکن  
صکره مزایده به قونلمش اولغله شو حالده اعلامک  
هرایکی جهتله اجرا ایدلمش عد اولنه جغنی بیان  
و مستأنف وکیل خصمنک مبلغ محکوم بهه محسوباً  
ایکی بیک لیرا تحصیل اولندیغنی حقه ده کی سوزی  
یاکش اولوب چونکه موکلی مالیه خزینه سنده کی  
الاجغنی محکوم به اولان اچیه به تقاضی و محسوب

ایدلمسنی استدعا ایدرک قصور بورجی دخی قائمه  
اولق اوزره تسویه ایده جکنی مذکور استدعا سنده  
بیان ایتمش و حجز ایسه اجرادن غیر معدود کورنش  
و بالفرض برمدیون بورجی پیدر پی تأدیبه ایدر ایکن  
بر اراده سنیه صدورنده اکا توفیق معامله ایتک  
لزومی امور طبیعیه دن بولنش ایدوکندن امهال  
ایدیلور ایسه بو بابده تحریراً جواب ویره جکنی بیان  
ایلسیله وکیل موئی الیهه بر هفته مهل اعطا قلمشیدی

بعده طرفین وکیلر یله مدعی عمومی معاونی توفیق بک  
کله رک مستأنف وکیل لایحه سنه علاوة بر قطعه ورقه  
اعتراضیه ابراز ایلکله لدی المطامعه اعلامات حکمتک  
تعديل و نقضنه اراده سنیه صدور ایتدجه حکملری  
باقی اولوب انجق بو یله عدم اجرا و تنفیذ و یاخود  
تعديلنه بر امر و اراده سننوح ایدر ایسه حکملری  
قلمیه جغنی درکار اوله رق بناء علیه هر تقدیر ذکر  
اولنان طقسان اوج تاریخی اعلامه مبلغ محکومه  
لیرا کوسترلمش ایسه ده فی ۵ نisan سنه ۹۵  
تاریخی قرار نامه بی حاوی شرف ظهور ایدن اراده  
سنیه لیرای قائمه به تحویل ایتمش اولدیغندن اعلام  
مذکور حکمی مفسوخ بولندیغنی و حجز مطلوباتی  
علی الاطلاق تحت تأمین قویمقی ایچون محجوزی تصرف  
قولیسندن منع ایدوب مجله نک بیک طقوز یوز قرق برنجی  
ماده سنده حجز کیفیتی اعلامک صدورندن اول اجراسی  
جائز اولدیغنی کبی اعلامک صدورندن صکره دخی  
حاجزه بر امتیاز و رجائیت و یرمز دیو محرر اوله رق  
شو حالده خزینه نک ایتمش اولدیغنی حجز لیرایی حاوی  
اولان اعلامی تصدیق ایتمش اولسه ایدی بو اعلامک  
حکمی شمعی به قدر اجرا مأموریتی طرفندن بلاتردد  
اجرا اولنسی لازم کله جکنه و دینک لیرا و یاخود  
قائمه ایله می تسویه سی اقتضایده جکی مسئله سی یکی

بر دعوی اولدیغنی بک اوغلی حقوق داره سنک بیان  
ایتماسی ایجاب ایده جکنه و کیفیت بودفعه ایکنجی  
مجلس تجارنده بدایه و درجه ثانیه ده استینافاً کور یله  
میله جکنه بناء حجز مذکور دینک لیرا و یاخود قائمه  
ایله تسویه اولنسی ماده سنی حل و تعیین ایتیه جکنی  
واملاکک مزایده سی کیفیتی موکنک دینک صورت  
تسویه سی حقه ده اولان بحی حل ایتوب چونکه  
دفعاتله امر مزایده نک تأخیر اجراسی و منازع فیه  
اولان ماده نک حلنه قدر مزایده نک کیر و قلمسی  
خصمنک بو بابده درمیان ایلدیکی افاده نک التفاته شایان  
اولدیغنه دلالت ایده جکنی و موکلی دیننه محسوباً  
مطلوباتنک تقاضی اولنسی با استدعا طلب ایلدیکی  
جهتله دینک لیرا ایله تسویه سنی قبول و اعلام حکمی  
اجرا ایتمش اولدیغنه دار خصمنک بیان ایلدیکی افاده به  
کلنجه استدعای مذکوره دینی لیرا ایله تسویه  
ایده جکنه دار برسوز اولیوب بالعکس قائمه ایله  
تسویه ایده جکی محرر اولسی اوزرینه مالیه نظارتی  
طرفندن جواب رد ویرله رک تذکره سی اوراق  
موجوده میاننده ایدوکنی و موکلی مطلوباتنک اجرای  
محسوبی بر شرطه استناد ایدوب شرط مذکور ایسه  
فی ۵ نisan سنه ۹۵ تاریخی قرار نامه نک حکمی  
موجبجه محسوبیتنک اجرا اولنسنندن عبارت اولدیغنی  
حالده قبول اولنیه رق درتیوک بو قدر غروشلق  
ایکی قطعه سمرکی الیوم موکلی نزدنده محفوظ بولندیغنی  
جهتله نقض و محسوب کیفیتی بر خیال نو عنندن اوله رق  
شو حالده اعلام مذکور حکمی موکلی طرفندن اجرا  
اولنمشدر دینسی خصمنک قول مجردنده قالدیغنی  
و موکنک استدعای مذکوری تقدیم ایتدیکی تاریخده  
نه حجز کیفیتی وقوع بولمش ونه ده اعلام مذکور موقع  
اجرایه وضع اولنمش و مالیه نظارتی طرفندن ویریلان

جواب رد اوزرینه موکلی طرفندن پروتستو ایدلسی اول زماندنبرو اعلامک لیرا حقنده اولان حکمنی قبول ایتماش اولدیغنه برحمت معتبره بولندیغنی وموکلنک اعلامک لیرا جهتنه دأر اولان قرارینی قبول واجرا ایتدیکنه پروتستوردن بشقه باب عالی مشاورلرینک بیاننامهسی واجرا مأمورینک ایش (بقیهسی صکره)

( فی ۱۹ محرم سنه ۱۳۰۰ وفی ۱۸ تشرین )  
( ثانی سنه ۹۸ تاریخی والتیوز قرق طقوز )  
( نومروسیه محکمه تمیز جزا دأرهسندن )  
( ویریلان اعلامک صورتیدر )

مدللو سنجاغی بدایت محکمهسی جزا دأرهسنک فی ۱۶ شوال سنه ۹۸ وفی ۲۹ اغستوس سنه ۹۷ تاریخی واون سکزنومرولی اعلامیه اوراق مفرعهسی جزایر بحر سفید ولایتی مدعی عمومیلکنندن فی ۷ صفر سنه ۹۹ وفی ۱۷ کانون اول سنه ۹۷ تاریخی ودرتیوز برنومرولی تحریرات ایله ارسال وباش مدعی عمومیلک مأموریت بهیهسندن فی ۵ رمضان سنه ۹۹ وفی ۸ تموز سنه ۹۸ تاریخی والتیوز طقسان برنومرولی تبلیغنامه ایله محکمه تمیز جزا دأرهسنه اعطا قلمقله مطالعه اولندی

مذکور اعلامده مدللو جزیرهسنه تابع ایاصوقریهسی ساکنلرندن واسیلکی نامبکر بالغهنگ جبراً بکری ازاله اولمسنندن طولایی جنایتله اتهام اولنان قریه مذکورولی کبرججی دیمترینک اجرای محاکمهسی مدعی عمومی معاونی طرفندن ادما اولمسی اوزرینه اصول محاکمات جزایه قانون موقتی احکامنه توفیقاً اجرا قلنان محاکمهده مرقوم دیمترینک مزبوره واسیلکی بی اورمانه کتورهک جبراً بکری ازاله ایلدیکی

اخبارات و امارات ایله تین ایتدیکنندن قانون جزانک یوز طقسان سکرنجی وایکیوزنجی مادهلری احکامنه توفیقاً اوچ سنه مدته کور که قونلسنه وتقدیر اولنه جق ضمان بکرت مرقومدن بالتحصیل مزبوره ویرلسنه حکم اولنهرق تفهیم قلندیغنی کوسترلمشدر

ذکر اولنان تبلیغنامهده دخی اصول محاکمات جزایه قانونک ایکیوز طقسان برنجی مادهسی موجب مجرم علیهنده اکثریت ثلثان آرا حاصل اوله مدیغنه مبنی اعلام مذکورک تقضی طلب ایلمشدر

اوراق سائره دخی مطالعه وتدقیقات تمیزیه به ابتدار اولندقه تبلیغنامهده بیان اولندیغنی وجهله حکم مذکورده ثلثان آرا حاصل اوله مامش ایوکنده واصل محاکمات جزایه قانون موقتنک ایکیوز طقسانجی مادهسنک ققره اخیرهسنده مجرم علیهنده اکثریت ثلثان آرانک اجتماعیه حاصل اوله جغنی محرر بولندیغنه مبنی اعلام مذکورک بر موجب تبلیغنامه تقضه وخرج تعرفهسنک قرقنجی مادهسی موجب تمیز اعلامی خرجی اولان ایکیوز غروشک اخذ واعتیفاسته قرار ویرلدی

اعلانات

طقسان بدی سنهسی شهرکانون اولنک برنجی صالی کیچهسی ازینه قصبهسنده تفکنجی اصنافندن شعبان اوستهنگ دکانی دلنهک برطاق اسلحهسی وقصبه مذکوره به تابع برغوس قریهسی اهالیسندن وتجارندن ادهم اغانک لیلآلت مخصوصه استعمالیه خانهسی قپوسی اچیلهرق بررأس حیوانی وقریه مذکورهده فرونجی اصنافندن یورکی ولدواسیلک قهوهخانندهکی طامده باغلو بولنان کذلک بررأس حیوانی سرفق

اولمسنندن طولایی مظنون علیه بولنان قصبه مزبوره قزل قریهسی اهالیسندن لوفجهلی عبدی اوغلی مصطفی ایله فرارده بولنان مهاجر محمد حقلمنده اجرا قلنان تحقیقات اوزرینه مرقومان هیئت اتهامیه دن اتهام اولمکلرندن طولایی مرقوماندن مصطفانک بیغا سنجاغی بدایت محکمه سنجه وجاهاً وفرارده بولنان محمدک دخی اصول محاکمات جزایه قانون موقتنک اوچبوز یتش برنجی مادهسی موجب غیاباً محاکمهلری بالا اجرا مرقوماندن مصطفانک قانون جزانک ایکیوز یکرمنجی مادهسی حکمنه توفیقاً اوچ وفراری محمدک دخی درت سنه مدته لره کور که قونلسنه حکم اولنهرق لازم کلان معامله اجرا ایدلس اولغله اعلان کیفیته ابتدار قلندی

فی ۱۳ صفر سنه ۱۳۰۰ وفی ۱۳ کانون اول سنه ۹۸

بکقوز جوارنده واقع قره قالدبرم نام محلهده باغچوان دیدون واندونک اچقه واسلحهلرینی غضب ایله برمدلی میخال وقسطی ویاقونک محل مذکوردن مرورلری ائشاده منع ایدرک تفنک قور شونیه قتل واتلاف ایتلرندن طولایی مظنون علیهندن فراری اوزون بویلی وصراری چهرهلی مائی کوزلی تخمیناً یکریمی سکز یاشنده طرنده فیلک الده بولنان معلوم الاسامی رفیقلر یله معاً فعل مذکوره جرأته فرار ایلدیکی اوراق تحقیقیه ماللرندن اکلاشلش وحرکتی دخی قانون جزانک التمش ایکنجی مادهسنک ذیلنه موافق افعال جنایتیه دن بولنوب درسعادت استیناف محکمهسی جنایت قسمنده غیاباً محاکمهسی اجرا اولمق اوزره جنایتله اتهامه قرار ویریلوب مضبوطهسی دخی تنظیم واعطا قلمش اولدیغندن مرقوم طرانده فیل هرزده کوریلور

ایسه طوتیلوب محکمه مذکوره حبسخانهسنه تسلیم ایدلسی لازم کله جکی بالجمله ضابطه عدلیه مأمورلرینک معلومی اولمق اوزره اشبو اخذو گرفت امری هیئت اتهامیه دن ویریلان مذکوره اوزرینه اعلان اولنور فی ۱۳ محرم سنه ۱۳۰۰ وفی ۱۳ کانون اول سنه ۹۸

حسین حسنی اغانک ایکنجی حقوق دأرهسندن اعطا قلنان اعلام موجب سنجه قول اغامی سلیمان افندی به دینی بولنان مبالغه معلومهنگ تسویهسی ضمننده مدیون مرقومک صالحه طهرق قرینده کآنکش قره مصطفی پاشا محلهسنده جامع شریف زقافنده کآن برطرفی جامع شریف دیگر طرفی سلیمان افندینک خانهسی ارقه جهتی امام افندینک خانهسی اوکی طریق عام ایله محدود تخمیناً طقسان ذراع مقداری عرصه اوزرینه مبنی فوقانی وتحتانی ایکی اوطله و برصفه وسائرهبی مشتمل اون سکزنومرولی بر باب خانهنگ اون ایکی حصه اعتبار یله سکز حصهسی تاریخ اعلان اعتبار اون بش کون صکره بلنزایده فروخته تشبث اولنه جغنی درسعادت بدایت محکمهسی اجرا دأرهسندن اعلان اولنور

فی ۱۴ کانون اول سنه ۹۸

متوفی وارترسی قدین ورثهسی عقبایی قدینک موسی اغا ذمتنده الاججی اولان مبالغه معلومهنگ تسویهسی ضمننده مدیونک کور کجی باشی محلهسنده صماتیه جادهسنده کآن متصرف اولدیغنی ایکیوز اوچ نومرو ایله مرقم برطرفی مدیونک دکاتی دیگر طرفی اوطلهنگ قپوسی وارقهسی دیورکلی عثمان چاوش اوغلی

اسماعیل اغانک کور مغازه سی و دیگر طرفی طرفی عام  
ایله محدود شهری سکسان غروش ایجاری و فوقنده  
بر باب او طه بی حاوی قوری قهوه جی دکانک تمامی  
بوندن اقدم مزایده قونیله رق لیرای عثمانی یوز  
غروش حسابیله درت پیک غرو شده طالبی عهده سنده  
تقرر ایلدیکندن املاک مذکوریه بوندن زیاده یعنی  
یوزده بش ضمیمه طالب اولنلرک تاریخ اعلاندن اعتباراً  
او توز بر کونه قدر در سعادت بدایت محکمه سی اجرا  
دائر سنده مراجعت ایللری اعلان اولنور  
فی ۳ تشرین ثانی سنه ۹۸

پاشاقریه سی اهالیسندن و تبعه دولت علیه نیک روم  
ملتندن پاپاس اوغلی دیمتر اکینک اسکدار بدایت  
محکمه سندن استحصال ایلدیکی فی ۵ ربیع الآخر  
سنه ۹۵ تاریخلی و طقسان درت نومرولی بر قطعه  
اعلام موجبیه قریه مذکوره اهالیسندن واسیلاکی  
ولد قسطنطی زهمنده الاجعی اولان مبالغ معلومه نیک  
اخذ و استیفاسی ضمننده مدیون مر قومک قرتال  
قضاسنده تابع قورت طوغمش قریه سنده قایمی  
مر عه سنده واقع یاقه جق دره سنده کائن بر باب دقیق  
دکرمانک متصرف اولدیغی ربع حصه شایعه سی  
مزایده به قونیله رق ایکی بیک ایکیوز غروش بدل  
مقابلنده طالبی عهده سنده تقرر ایلدیکندن حصه  
مذکوره یوزده بش ضمیمه بوندن زیاده یه طالب  
اولنلرک تاریخ اعلاندن اعتباراً و او توز بر کونه قدر  
قرتال بدایت محکمه سی اجرا دائره سنده مراجعت  
ایللری اعلان اولنور

فی ۱۴ کانون اول سنه ۹۸

محمد اغانک برنجی حقوق دائره سندن اعطاقن ان اعلام  
موجبیه محمد امین فردی افندی به دینی بولنان مبالغ  
معلومه نیک تسویه سی ضمننده مدیون مر قومک حواجه  
پاشا محله سنده اور خانیه جاده سند کائن صاغ طرفی بکر  
افندی نیک عرصه سی صول طرفی محمد اغانک خانه سی  
ارقه طرفی محمد امین افندی نیک خانه سنک بانجه سی اوکی  
اور خانیه جاده سیله محدود و تربیعاً الی ذراع مقداری  
عرصه اوزرینه مبنی او توز سکز نومر و ایله مر قم  
بر باب دکان بوندن اقدم مزایده قونیله رق لیرای  
عثمانی یوز غروش حسابیله درت پیک غرو شده طالبی  
عهده سنده تقرر ایلدیکندن دکان مذکوره یوزده بش  
ضمیمه طالب اولنلرک تاریخ اعلاندن اعتباراً او توز  
بر کونه قدر در سعادت بدایت محکمه سی اجرا دائره سنده  
مراجعت ایللری اعلان اولنور

فی ۸ کانون اول سنه ۹۸

هاجر خانمک -<sup>۲۱۱</sup> نومرولی اعلام موجبیه احد بیک  
ایله فاطمه خانمه دینی اولان مبالغ معلومه نیک تأمین  
استیفاسی ضمننده مدیون مزبور نیک متصرفه اولوب  
مومی الیه احد بیک پدری متوفی محمد اغا عهده سنده  
بولنان قاسم پاشا سده حاجی فرهاد محله سنده عاشقتر  
میداننده طقسان اوچ نومرولی بر باب خانه نیک تاریخ  
اعلاندن اعتباراً اون بش کون صکره بل مزایده فروخته  
تثبت اولنه جعی بک اوغلی بدایت محکمه سی اجرا  
مأموریتی جانبندن اعلان اولنور

فی ۱۱ کانون اول سنه ۹۸